



Inatsisartuni ilaasortaq,
Agathe Fontain, Inuit Ataqtigiit
Maani/

§ 37 naapertorlugu apeqquteqaammur nr. 082-2023 qamutillit qaartartortalimmik tuukkartallit akuersissutigineqartarnerat allanngortinnissaa pillugu tunngasumut akissut

Ulloq: 26-04-2023
Suliap normua: 2023 - 10022
Akt normu: 22922106

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, qamutillit qaartartortalimmik tuukkartallit akuersissutigineqartarnerat pillugu. Apeqqutitit uanga suliassaqaqfigisannut akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Apeqqut 1) *Arfernik angisuunik illersuineq piniarnerlu pillugit, Nalunaarut nr. 9, 6. December 2018-imeersoq allanngortinniarpa?*

Akissut) Aap, nalunaarut atuuttoq nutarterneqassasoq pilersaarutaavoq.

Apeqqut 2) *Qamutilinnik akuersissummik tunniussisartut, sulisut naammattut pigineqarpat?*

Akissut) Ilulissani, Maniitsumi, Nuummi Narsamilu qamutillit qaartartortalimmik tuukkartalinnik misissuisartoqarpoq akuersisartoqarlunilu. Qamutillit qaartartortalimmik tuukkartallit misissuisartut akuersisartullu katillugit tallimaapput, amerlanerussasut kissaatiginarpoq.

Apeqqut 3) *Naalakkersuisoqarfimmiilli ilimasaarutaasimavoq, nalunaarut allanngortillugu ukiunut pingasunut allanngortinneqarsinnaasoq. Allanguiniarneq tamanna suliarineqarpa?*

Akissut) Oktobari 2022-imi KNAPK-ip Sisimiuni immikkoortortaqaarfianiit naalakkersuisoqarfimmut saaffiginnippoq, qamutillit qaartartortalimmik tuukkartallit misissortittarnerat maannakkut ukioq allorlugu ingerlanneqartartoq ukiut sisamakkaarlugit ingerlanneqartalersinnaanersoq apeqqutigineqarluni.


Taamani naalakkersuisoqarfimmiit akissuteqaataavoq qamutillit qaartartortalimmik tuukkartallit misissortarneri ukiunut sisamakkaarlugit allanngortinneqassappata sillimaniarnermut kinguneqaratarsinnaanera peqqutigalugu kissaatiginangitsoq. Ilaatigut qamutilik taratsumik sunnerneqarsimajuartillugu pinngitsoorani misissorneqartuarnissaa pisariaqartuannassammat.

§ 24, imm. 1 naapertorlugu misissuinerit ukiut pingasukkaartunngortinnissaanut periarfissaq misissorneqarsinnaasoq nalunaarutigineqarpoq, misissuineq sulii aallartineqanngitsoq erseqqissaatigissavara.

Apeqquut 3a) Ukiunut sisamanut allannguinermit pisarsinnaanera Naalakkersuisut qanoq eqqarsaatigaat?

Akissut) Apeqquut 3-mut akissuteqaat innersuussutigivara. Taassuma saniatigut ilisimatitsissutigissavara Aalisartunut Piniartunullu Siunnersorteqarfik akissuteqaateqarnermut atatillugu paasissutissanik aallerfigineqarsimammat, tassaammat qamutilinnik misissuinissamut akuersinissamullu ataqatigiissaarisartoq.

Inussiarnersumik inuulluaqqusillunga



Karl Tobiassen
Aalisarnermut Piniarnermullu Naalakkersuisoq